



Broj:01-7-50-1-178-7/08  
Sarajevo, 28.07.2008. godine

**Z A P I S N I K**  
**sa 7. sjednice Komisije za pripremu izbora Vijeća ministara BiH**

Sjednica je održana dana 28.07.2008. godine s početkom u 10,00 sati.

Sjednici su prisustvovali članovi Komisije: **Branko Dokić, Rifat Dolić, Lazar Prodanović, Azra Alajbegović, Halid Genjac, Velimir Jukić i Vinko Zorić.** Odsutni su bili **Hadži Jovan Mitrović, Sefer Halilović, Jerko Ivanković - Lijanović, Zlatko Lagumdžija i Mirko Okolić.**

Sjednici su prisustvovali Maja Ribar u ime OHR-a i Cristian Haupt u ime OSCE-a.

Sjednici je bio prisutan Milan Zjajić, koji je obavljao poslove sekretara Komisije i Alma Salkić Mijić viši stručni saradnik u Sekretarijatu PS BiH.

Sjednica je završena u 11,30 sati.

Komisija je jednoglasno prihvatila sljedeći:

**D N E V N I R E D :**

1. Verifikacija zapisnika sa 6. sjednice,
2. Razmatranje podobnosti i davanje mišljenja – preporuke za potvrđivanje Mladena Zirojevića za ministra vanjske trgovine i ekonomskih odnosa u Vijeću ministra BiH;
3. Tekuća pitanja.

**Ad. 1. Verifikacija Zapisnika sa 6. sjednice održane 15.02.2008. godine;**

Bez primjedbi Komisija je jednoglasno verificovala Zapisnik sa 6. sjednice održane 15.02.2008. godine.

**Ad. 2. Razmatranje podobnosti i davanje mišljenja – preporuke za potvrđivanje Mladena Zirojevića za ministra vanjske trgovine i ekonomskih odnosa u Vijeću ministra BiH;**

Nakon otvaranja rasprave po ovoj tački dnevnog reda predsjedavajući je podsjetio članove Komisije na relevantne odredbe zakona o Vijeću ministara BiH, Poslovnika Predstavničkog doma PS BiH i Poslovnika Komisije.

Komisija je nakon kraće rasprave odlučila da je potrebno da imenovani ministar Mladen Zirojević pristupi na sjednicu, kako bi odgovarao na pitanja članova Komisije.

Prvo pitanje je postavio predsjedavajući Genjac tako da je zamolio imenovanog ministra da pojasni šta će biti njegovi prioriteti u radu ministarstva za vanjsku trgovinu i ekonomske odnose?

Odgovarajući na ovo pitanje Mladen Zirojević je između ostaloga istakao da je Ministarstvo u koje je imenovan za ministra nosilac značajnog segmenta evropskih integracija i da će to biti njegov prioritet svih prioriteta, a da se do cilja može stići samo sveopštom koordinacijom koja je ključ uspjeha. Koordinacija, nastavio je, mora biti potpuna i to između svih institucija BiH, entiteta i ostalih subjekata, prevashodno na planu implementacije Sporazuma CEFTA i slobodnoj trgovini sa EU.

Na podpitanja Azre Alajbegović šta će od toga biti konkretna korist za građane BiH, odgovorio je da će se zalagati kako bi se sredstvima iz predpristupnih fondova IPA prije svega pokušao smanjiti vanjskotrgovinski deficit i u tom smislu da će raditi na izmjeni zakona o carinskoj tarifi, te poboljšanju kontrole kvaliteta uvoza i pristupanja BiH članstvu u WTO.

Branko Dokić se u svojoj diskusiji založio za ubrzanje rada ističući da je prevashodni zadatak Komisije da provjeri tačnost svih podataka, odnosno da li imenovani ispunjava uslove za imenovanje, a to po njemu nije sporno. Pojedinačna konkretna pitanja, pogotovo sada na pola mandata, po njemu, nisu umjesna.

Rifat Dolić je istakao kako smatra da se pitanja trebaju postavljati pa je i on postavio tri pitanja i to:

Prvo koje se odnosilo na sukcesiju, navodeći da je BiH vratila tuđu imovinu, ali ima ozbiljnih problema oko povrata svoje imovine, pa je istakao da ga interesuje šta će ministar preduzeti u toj oblasti.

Drugo pitanje je bilo iz oblasti platnog deficita, pojašnjavajući da samo Albanija i Crna Gora imaju manju pokrivenost izvoza uvozom.

Treće pitanje se odnosilo na potrebu korekcije sadašnje nadležnosti u oblasti vanjske trgovine i ekonomskih odnosa.

Odgovarajući na postavljena pitanja Zirojević je istakao da mu nije poznata konkretna situacija vezana za sukcesiju i da će pažljivo sagledati stanje u ovoj oblasti i tada kreirati slijed poteza. Zatim je istakao da je već iznio mjere koje će preduzeti u oblasti smanjenja deficita, a to su korekcija carinske tarife, kontrola kvaliteta roba koje se uvoze i razvoj i pokretanje vlastite proizvodnje.

Pitanje Velimira Jukića se odnosilo prije svega na stvaranje boljeg imidža BiH i neophodan timski rad, što je Zirojević prihvatio i podržao, naglašavajući da je već govorio o koordinaciji pod čime je podrumijevao timski rad.

Kako nije bilo drugih pitanja pristupilo se glasanju.

Komisija je sa šest glasova "za", bez glasova "protiv" i sa jednim "suzdržanim", utvrdila da **Mladen Zirojević** ispunjava sve uslove propisane Zakonom o Vijeću ministara BiH i Poslovníkom Predstavničkog doma Parlamentarne skupštine BiH za imenovanje na funkciju ministra vanjske trgovine i ekonomskih odnosa u Vijeću ministara BiH.

Komisija je preporučila Predstavničkom domu Parlamentarne skupštine BiH da potvrdi imenovanje **Mladena Zirojevića** za ministra vanjske trgovine i ekonomskih odnosa u Vijeću ministara BiH.

Za izvjestioca na sjednici Predstavničkog doma imenovan je predsjedavajući Komisije Halid Genjac.

### **Ad. 3. Tekuća pitanja.**

Kako nije bilo drugih pitanja predsjedavajući je u 11,30 sati zaključio sjednicu i zahvalio se svim prisutnim na saradnji.

SEKRETAR KOMISIJE  
**Milan Zjajić**

PREDSJEDAVAJUĆI KOMISIJE  
**Halid Genjac**